



Jacobi Alvarez de Paz Opera

De Exterminatione Mali, Et Promotioне boni - Libri quinque

Álvarez de Paz, Jacobo

Lvgdvni, 1613

Nonum instrumentum ad Virtutem, aßidua operum cuiusque virtutis
exercitatio. Cap. 1.

[urn:nbn:de:hbz:466:1-77843](#)

PARS QVARTA

De Instrumentis assequendæ Virtutis, in actione positis.

VM Habitus Virtutum sint propter earundem virtutum actiones, & ad hoc illi à Deo infundantur, vel à nobis acquirantur, non ut otiosi in virtibus nostris redeant, sed ut data opportunitate in opus excent, manifestum est, quoniam precipua assequenda virtutis instrumenta, non tam intellectu ac voluntate, quam actione complementur. Et se aliquando functio intellectus & voluntatis, maximè ad virtutem adipiscendam subservit (sicut re vera subservit) non id habet quatenus cognitio aut affectio est, sed quatenus est interior virtutis actio, melius sive virtutem generans (ut inferius dicimus) quam opus exterius. Hoc ita esse, uniuersa sacra Scriptura clamat, que non tam ad intelligendum & desiderandum, quam ad bene operandum nos vocat. Et quasi opera sint ad vitam eternam assequendam precipua, quidam ad salutem animæ promerendam invitati dixerunt ad Dominum: *Quid faciemus, ut operemur opera Dei, ut scilicet diuina mandata custodiamus?* Paulus quoque Philippenses monet: *Cum timore & tremore vestram salutem operamini, Deus enim, qui operatur in vobis & velle, & perficere.* Non ad sola desideria virtutum, sed ad opera eos pronocat, & non ad queque opera, sed ad ea, que timor & tremor, id est, cor humile, & sibi ipsi diffidens, in Deo autem confidens, elicit, prudenter instimulat. Deumque operari in nobis velle & perficere, docet, non solum ut eum omnis boni auctorem praedicemus, sed ut etiam velle, id est, affectus voluntatis, propter perficere, nempe propter opera, esse cognoscamus. Instrumenta igitur acquirendarum virtutum, ad opus pertinentia, quatuor esse videntur, que viros religiosos, & spirituales mirum in modum ad omnem perfectionem iuvant. Hac autem sunt: Actionum cuiusque virtutis diligens & assidua exercitatio; nulla occasionis exercenda virtutis prætermisso; vita regularis sequela; & inuiolabilis regula seu instituti custodia; de quibus in hac quarta tractatione agendum est.

Nonum Instrumentum ad Virtutem,
Assidua operum cuiusque virtutis exercitatio.

CAPUT I.

RÆCIPVA Causa exigui profectus in his, qui vitam spiritualem profitentur, non defectus cognitionis aut desiderij, sed defectus exercitationis esse solet. Illos enim aut quotidiana spiritualium librorum lectio, aut assidua Prælatorum exhortatio satis instruit, & pulchritudo virtutis illis oblati, non parum desiderium eius accedit: sed difficultas moderandi passiones, actionibus virtutis adiuncta, ab illis cessare facit, & illis prætermisso, mens cum ingenti sui profectus detimento ad alia, si non noxia, at inutilia, diuerit. De tempore aduentus Christi & legis gratiae dictum est in Isaia: *Quia repleta est terra scientia Domini, sicut aquæ maris oportentes:* quia nimur corda terrena, Dei & mandatorum eius cognitione non aliter oppleta sunt,

A quam arenæ, in profundo mari delitescentes, aquarum multitudine immensa celantur. Quasi nullum, aut sanè paucissimos, & ineptissimos iam in Ecclesia reperies, qui non tantum unum agnoscant Deum, quod natura ipsa clamat, verum & personatum Trinitatem, & Filij Dei incarnationem, & reliquos fidei articulos non callicant, & quid malum, quid bonum sit, non facilis negotio discernant. Quod si iam non homines de media plebe, sed alios politiores & selectiores interroges, tam apte de virtute ac rebus diuinis different, ut scientiam Domini, terram repleteam & operientem ignorare non possit. Implerum sine dubio est, quod scripsit Ieremias: *Et non docebit ultra vir proximum suum, & vir fratrem suum, dicens: Cognosce Dominum: omnes enim cognoscunt me a minimo eorum, usque ad maximum, ait Dominus.* Omnes, inquam, agnoscent Dominum, quoniam voce Evangelij sunt sufficierter instructi, & doctorum predicatorumque sermonibus erudit. Si vero omnes pene fideles sufficiente Dei ac virtutis notione fruuntur, quanto magis vita spiritualis sectatores scientia spiritualium rerum abundabunt? Lucerna eminus positos luce perfundens, cominus positos, & quasi

*Ieron. 6.
28.*

*Philip. 2.
11.*

*Terem. 31.
34.*

Jacobi Aluarez operum tom. 2.

M m 3 adhæ

nec illam aquam vintumque potaueris, semper fame & siti torqueberis. Ita prorsus virtutem cognoscere, virtutem concupiscere, nihil aliud est, quam cibum & potum animae meditatione apprehendere; virtutem vero actione completere, est cibum hunc manducare, & in stomachum traicere, & spiritus calore concoquere. Si haec prætermittas, & soli labori desiderij, & considerationis intendas, nunquam robur, & vitam ex virtute prouenientem assequeris. Elia fugienti Iezabelem, & ad tutiora loca properanti, non dictum est: Surge, & cognosce panem, aut surge, & concupisc: Sed, Surge, & comedete, grandis enim tibi restat via. Idem preceptum omnibus iustis imponitur: ut si volunt at montem perfectionis ascendere, non sint sola virtutis cognitione, aut solo desiderio contenti, sed audiè panem virtutis comedant, id est, actionibus eiusdem insitum. Quippe, sicut corpus humanum, inquit Anselmus, sine frequenti ciborum vsu nequit subsistere; sicut anima absque virtutum frequentatione non potest vivere. Qui ergo ad affectum bonitatis venire desiderat, necesse est, ut cum scientia, & voluntate etiam ipsum usum habeat.] Et ecce causam imbecillitatis multorum: Quod si ex hoc pane virtutis comedunt, satis parum comedunt, & raro aut remissè actiones virtutis exercent, & ideo vires, & robur perfectorum minimè asperunt. Omnes artes, quæ in actione considunt, non sola arida notitia, nec solo insirmo quadam desiderio, sed exercitatione discantur: & ille peritior eaudit, qui diligenter & perfectius arte exerceat. Virtus autem licet non sit ars, sed omni arte ac scientia sublimior, tamen in hoc cum arte consentit, quod in actione consitit. Iecirco de Christi oculis, id est, de iustis, qui alios viam patris coelestis docent, scriptum est in Canticis: Oculi eius sicut columba super riulos aquarum, que lacte sunt lota, & resident iuxta fluentia plenissima.] Ob mentis puritatem candidissimis columbis comparantur, que lati, nimis gratia spiritui, merguntur. Fluente vero iuxta quæ resident, ipsas virtutes designant, quæ ad modum fluminorum numquam se fiant, sed semper actionum frequentia quasi nouæ aquæ accessione decurrent. Et oculi sponsa, id est, Ecclesia, qui corundem iustorum sunt imagines, nam idem sunt oculi capitis, & corporis, dicuntur esse sicut piseinae in Hesbon:] sicut enim fontium est aquam emittere: ita & virtutum, quæ fontes sunt bonorum actionum, honestas actiones proferre. Si ergo virtus actione generatur, actione prouenit, actione perficitur, abundum est, sola cognitione & solo desiderio eam velle conquifere. Quis enim hominum, inquit Dorotheus, volens disciplinam vnam aut artem imbibere, illam solo sermone consequeatur? Facere vtique prius perficerat omni studio, diligentia, deinde iterum facit, delētque: atque ita pedetentim labore multo artem ipsam & disciplinam apprehendit. Nos vero artem artium solo sermone credamus apprehendere absque opere? Hoc nequicquam licebit. Et ad idem pulchre Anselmus inquit: Ut si quis, qui citharista esse debuerit, citharam non cognovit, qualiter citharodus erit? Si etiam instrumentum illud non agnoverit, & si agnoverit, sed tangere illud noluerit, qualiter citharodus erit? Si autem illud agnoverit, & tetigerit, sed eius usum habere contempserit, nunquam propter cognitionem & voluntatem, sine usu huius artis peritus erit. Taliter namque licet quis habeat scientiam bene vivendi & voluntatem, nequam bonus erit, nisi etiam boni operis usum tenuerit, iuxta suam possibilitem.] Haec illi.

3. Reg.
19.7.Ansel. li.
de famili.
6.160.

Cant. 7.

Dorothe,
doctr. 8.Ansel. de
famili. ca.
153.

A Iter igitur ad virtutem, eius exercitatio est, & qui vult aliquam virtutem adipisci, cognitioni eius, ac desiderio assiduum actuum eius exercitationem adiicit. Vis, o homo Dei, humilitatem? Non ergo putas satis esse si eius naturam agnoscas, si eius pulchritudinem cupias, nisi & ipsius actionibus studeas. Absconde ex desiderio te ipsum abiiciendi, bona tua, & detegi, si ædificationis non oblitus, defecetus tuos. Colloca te in loco infimo, ad ministerium externa specie abiectione applica, & quicquid modestiam & humilitatem redoleat, libenter amplectere, & sic efficiens humilitatis modestiaeque possessor. Vis castitatem? Castiga corpus, cohibe sensus, ama confessionem à personis suspectis, parulos Babylonis, id est, primas luxuria cogitationes, & leuisimos concupiscentiae motus ad petram, Christum, allide, & castitatem habebis. Vis obedientiam? Propriam igitur voluntatem obedientiam inimicam odio habeto, ductum Praelatorum libenter sequitur, & occupationes tibi à superioribus iniunctas amat. Quamcumque virtutem voluebis, propriis eius actibus vel efficiendo, vel obtinendo a Deo, gignes, & iteratione actionum assidua ad perfectionem vige promovebis. Virtus enim qualibet aliquam partem nostri vitiarum, & à dominio teatæ rationis deficientem, suis actibus vincit: qui aetius, si desinet, nec illam à virtutis eximent, nec hostes illos vita spiritualis ingressum impedientes proferment. Et, ut Ambrosius sapienter scripsit: Sicut bellator sine armis esse non potest, ita nec sine exercitatione virtus. Nam haec est, quæ pro armis illi est: & sine exercitatione, sicut miles inermis, à virtutis deiecta & dissipata succumbet. Ideoque saepe in scripturis sacris ad: virtutum actiones monemur, quia & studiosæ actiones virtutes nondum quasitas generant, & genitas in suo splendore & viroto conferuant. Accedentes, inquit, ad Deum, oportet credere.] Et: Habe fiduciam in Domino exerto corde tuo.] Et: Diliges Dominum Deum tuum.] Et: Ambulate per vias prudentie.] Et: Facite iudicium, & iustitiam, & liberate vi oppressum de manu calumniatoris.] Et: Virtiter agite, & confortetur cor vestrum.] Et: Sicut in die honeste ambulemus, non in: commissibus, & ebrietatisibus, non in cubilibus, & impudicitiis.] Haec omnia nihil aliud quam virtutum exercitationem sonant, quæ ornamenta anima sibi est, ipsos virtutis habitus paramus, quibus & vita Deo inuisa destruimus; & pulchri in conspectu eius efficiimus. Hoc est tributum, quod vniuersorum Domini pendulum est, ratione cuius nos seruos agnoscit, & ut familiares suos, & ad suam domum pertinentes, insignibus suis, nempe virtutibus, amicit. Nec immixti hoc tributum ex pecunia nobis donata exigit, quia eam ut lucratemus, & cum virtutis restituemus, humanæ industria, gratia adiuta, commisit. Virtus autem quasi pecunia est, quam Deo donante recipimus, ut assiduis actionibus quasi solicita negotiatione ad nostram utilitatem & eius gloriam augemus.

B

E Ad hanc autem assiduum exercitationem actuum virtutum, non solum desiderium adipisciendas usu huius instrumenti præcipui, sed etiam timor diuinæ comminationis potest impellere. Dominus enim (quod est observatione dignissimum) non tantum eos reprobat, qui perperam egerunt, verum & illos quoque, qui ab actionibus bonis cessarunt, exentiisque addicti cruciatus audierunt: Discedite à me maledicti in ignem aeternum: esurui enim, & non dedistis mihi manducare: sitiui, & non dedistis mihi potum,] & cetera. Erilli, qui talentum abscondit,

Amb. lib.
1. de
Cain c.4Hebr. 11.
6.
Prov. 3.
5.
Matth.
22. 38.
Prov. 9.
6.
Ierem.
22. 3.
Psal. 30.
25.
Rom. 23.
13.Matth.
25.42.

ib. n. 27.

Chryf. in
imperf.
hom. 53.

non quia illud dilapidavit, sed quia occuluit, dictum est: Serue male & piger, oportuit te committere pecuniam meā nummulariis, & veniens ego receperī sem vtrique quod meum est, cum vſura.] Merito verō ita reprehenditur, qui notitiam diuinorum vno talento signatam, ad actionem non contulit, & ex eo quod secundū quod agnouit, operatus non est, eam otiosam habuit. Sicut enim pecunia hæc corporalis, inquit auctor imperfeti, si sit in fæculo inclusa, ipsa est semper, si autem fuerit agitata de manu in manum, vſu ipso multiplicatur. (vnde vſura dicitur ab vſu.) Sic & fides Christi, siquidem otiosa reteatur in corde, non solum ipsa manet, quæ fuit, sed adhuc minoratur in otio, & torpescit, & legnis efficitur, & paulatim per actus carnales exanimata ad nihilum vadit: si autem exercitata fuerit, scripturis & loquutionibus assiduis suscitata, operibus bonis vivificata, non solum dico, multiplicabitur, sed nunquam definet crescere, donec viuet homo.] Sic ille. Atque adeò ex defectu exercitationis virtus, non solum non cresent, verum & paulatim deficit, immoderatis affectibus eam oprimentibus, & ipsius vices illigantibus. At exercitatio assidua diligēnsque virtutem roboret, & operibus virtutis incumbente à pœna otiosorum & talentum abfidentium liberat, & statum spiritualium virorum quasi debitis fructibus exornat. Nam quid, quælo, est spiritualis vita, virtutum operibus vacua? Nonne effigies rei viuentis, quæ sensus & actiones vitæ refert, & omni sensu & actione vacua est? Nonne lyra tacitura ad dulces sonos edendos effecta, & ob negligentiam professoris eius omni sono & harmonia priuata? Nonne manus nunquam enauigans, & in portu carie tabescens? Nonne plumbea lancea, quæ specie quidem externa hostibus formidabilis videtur, & perlpicacius nota contemnitur? Ita sanè. Vnde si iustus cupiat huic vita suæ veritatem & spiritus substantiam tribuere, si velit eius ornamenta, nempe virtutes, procreare, & iam pullulantes prouchere, & vñque ad perfectionem perducere, hæc illi præcipua cura sit, vt actiones ipsarum proferat, nec solis desideriis animum pascat. Cognitio sane virtutis necessaria est, sed sicut basis, cui columna virtutis nititur, & vt fundamentum, super quo domus virtutis extruitur. Desiderium etiam necessarium est, sed sicut aculeus, quo ad virtutem querendam excitamus, & legnes manere ac dormire non sinimus. At aetio ipsa studiosa est, velut iter, quo ad virtutem tendimus: Est velut præcipua cauſa ex his, quas nos adhibemus, quæ virtutem procreat, & semel procreat augmentat. Aetio, est præcipuum aſſequendæ virtutis instrumentum, quo si non vtramur, omnia alia caſta, & inefficacia ad virtutem obtinendam manebunt. Nam virtutem comparare, non est eam agnoscere, aut concupiscere, sed actione completere.

Virtutem interius & exterius exercendam esse.

CAPUT II.

Si præcipuum instrumentum ad virtutem adipiscendam est eius exercitatio, nunc, quomodo exercenda sit, inquiramus. Quia non sufficit alicuius artis discipulo, instrumenta artis, quam dicit, scire, sed necesse habet modum, vtiendi eis, & mouendi cognoscere. Ponamus ergo virtutes pro-

A pter actionem hominibus datas esse, & sive (vt diximus) fine actione, si ad sint, otiosas esse, & si non ad sint, fine actione non gigni. Quod disertissime docuit Prosper Rheyensis, sic scribens: Virtutum quippe munera otiosa esse non possunt. Quoniam sicut veritas ait: Omni habenti dabitur, non habenti autem etiam quod habet, auferetur ab eo.] Non igitur ad hoc datur continentia, vt concupiscentia non repugner. Nec ideo cuiquam tribuitur sapientia & intellectus, vt non [die, ac nocte in Domini lege meditetur.] Quid agit donum dilectionis, si benevolentia sollicitudo non vigilat? Quis fructus est patientia, si non habet fortitudine quod toleret? Aut quomodo in Christo piè viuere ostenditur, qui nulla persecutione pulsatur? Vel pax, quæ est Deo, & cum Deo, nunquid bene quieta est, si non discordat à mundo? Aut amor Dei poterit sine diabolis inimicitiis obtineri? Neminem profrus Dei gratia intentabilem facit. Nec ob hoc coelestium armorum praesidio, à dextris & sinistris instituitur Christiana militia, vt nullo cum hoste configat, cum laudabilius sit atque faelicius, pugnantem non potuisse vinci, quām desideriū non potuisse tentari.] Hæc ille. Actiones autem, quibus virtus quelibet generatur, & crescit, sunt duplices: alteræ internæ, alteræ externæ; & tam istæ, quām illæ, vel sunt alienæ, vel propriæ, & in his omnibus necessaria est, vt virorum spiritualium defuder industria.

Hoc est virtus iusti & spiritualis elogium, quod in eo omnes neruos suæ mentis intendit, vt Christi Salvatoris imaginem induat. Scit namque scriptum esse: Indute nouum hominem, qui secundum Deum creatus est, in iustitia & sanctitate veritatis.] Christum autem induere, nihil aliud est, quām opera carnis deponere, iter vitæ spiritualis atripere, & vitæ Salvatoris nostri fieri conformem. Innovarius spiritu mentis, inquit Ambrosius, nouum hominem dicitur indutus, qui est Christus: Christum enim induit, qui per fidem renatus in Christo, æmulus est vitæ, quam tradidit Christus, vt iuxta Deum creatus videatur. JVita autem Christi, si attentius inspicatur, virtutum omnium actionibus, tum internis tum externis, reperiatur esse contexta, & operibus, quæ vnum poscant, & aliud faciunt, videbitur esse data. Exponamus hæc tria, quæ exquisitissimam nobis subministrant spiritualis vita doctrinam. Salvator noster Christus ita externis actionibus virtutum incubuit, vt nulla fuerit actio eius, quæ præstantissimè ad virtutem non pertinererit. Sermonem eius veritas, fidelitas, charitas afficiebat, quodlibet opus eius mansuetudo, humilitas, beneficentia, misericordia, & virtutes reliqua decorabant. Aut potius virtutes operibus & verbis eius exornabantur, quæ eo ipso sunt celstiores, quod à filio Dei per humanitatem assumptam fuerunt executioni mandata. Opera eius virtutis erant in initio, quia non ex consuetudine, sed propter gloriam Dei Patris, & salutem hominum, & ad dandum exemplum perfectæ vitæ assumebant. Opera virtutis erant in progressu, quoniam ex eadem intentione sanctissima, fine vlla vñis metalli admixtione continuabantur. Opera virtutis erant in fine, quia prout oportebat, temporis spatio perdurabant, & in eum fructum obtinebant. Nihil asperiebatur in eo, quod non infinitis modis virtutem edoceret, & sanctitatem ineffabilem aspicientium oculis demonstraret. At interna mentis eius occupatio, non aliud quam sapientia, charitas, iustitia, puritas, & omnis virtus, ac sanctitas fuit. Hæc intellectus eius, & voluntatis humanae opera, exteriores actiones regebant, & quasi vita souebant, & in-

Proph.
lib. 2. de
vocab.
Gen. ca.
35. Matth.
25.
Psal. 1.2.

2. Tim. 3.

Ephes. 4.
24.

Ambr. 11.

immen